

Has artes teneris annis studiosa Iuuentus
Discito, Mensuras quæ numerosq; docent.
Premia nanque feres suscepti magna laboris,
Ad cœlum monstrant hæc tibi scripta uiam.
Qua patet immensis spacijs pulcherrimus orbis,
Si metas horum cernere mente uoles.
Sidera uel quamnam cœli regione uagentur,
Æterni cursus quas habeantq; uices.
Cur Luna inuoluat cæca caligine fratrem,
Cur Lunæ usuram lucis & ille neget
Venturos etiam casus quæ fata gubernent
Quas populis clades astra inimica ferant
Hæc si nosse uoles, prius est doctrina tenenda,
Quam breuiter tradunt hæc elementa tibi.
Cunq; hominū mentes, quæ cœlo semina ducunt,
Errent a patria sede domoq; procul,
Hæc doctrina ipsas terrena mole solutas
Cœlesti reduces rursus in arce locat.

